



Broj: 05-4609-5/17
Sarajevo, 28. 12. 2017. godine

Na osnovu člana 70. Zakona o javnim nabavkama („Službeni glasnik BiH“, broj: 39/14), preporuke Komisije za nabavke iz Zapisnika o pregledu i ocjeni ponuda broj: 05-4609-5/17 od 27. 12. 2017. godine i člana 22. Statuta Agencije za bankarstvo Federacije BiH (“Službene novine Federacije BiH”, broj: 42/04), direktor Agencije za bankarstvo Federacije BiH donosi

O D L U K U

o poništenju postupka javne nabavke

I.

Prihvata se preporuka Komisije za nabavke iz Zapisnika o pregledu i ocjeni ponuda, broj 05-4609-4/17 od 27. 12. 2017. godine i poništava otvoreni postupak za nabavku usluga posredovanja pri nabavci aviokarata za potrebe Agencije za bankarstvo Federacije BiH, jer nema dovoljno ponuda za okvirni sporazum s više ponuđača.

II.

U skladu s članom 70. stav (6) Zakona, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku nabavke.

O B R A Z L O Ž E N J E

U skladu s Odlukom o pokretanju postupka javne nabavke, broj 05-4609/17 od 28. 11. 2017. godine, pokrenut je postupak javne nabavke usluga posredovanja pri nabavci aviokarata za potrebe Agencije za bankarstvo Federacije BiH.

Obavještenje o nabavci predmetnih usluga objavljeno je na portalu javnih nabavki pod brojem: 3010-1-2-303-3-47/17 od 01. 12. 2017. godine.

Javna nabavka provedena je putem otvorenog postupka, s namjerom zaključenja okvirnog sporazuma s više ponuđača na period od jedne godine. Kao kriterij za dodjelu sporazuma odabrana je najniža cijena tehnički zadovoljavajuće ponude.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda u kojem je konstatirala da predmetna nabavka podrazumijeva zaključenje okvirnog sporazuma s više ponuđača, te da nije dostavljen broj ponuda određen u članu 32. stav (4) Zakona, u kojem je definirano da se okvirni sporazum zaključuje s više ponuđača za isti predmet nabavke, a da broj ponuđača s kojima se zaključuje okvirni sporazum ne može biti manji od tri pod uslovom da postoji dovoljan broj ponuđača.



Uvažavajući sve navedeno, komisija je jednoglasno predložila odgovornoj osobi ugovornog organa da donese odluku o poništenju predmetnog postupka nabavke, shodno članu 69. stav (2) tačka c) Zakona o javnim nabavkama.

Uvažavajući navedeno, direktor Agencije prihvatio je prijedlog komisije te donio odluku kao u dispozitivu.

Pouka o pravnom lijeku:

Protiv ove odluke može se izjaviti žalba u roku od 10 (pet) dana od dana prijema ove odluke. Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



DIREKTOR

Jasmin Mahmuzić

Dostaviti:

- ponuđačima koji su sudjelovali u postupku nabavke
- Sektoru zajedničkih funkcija
- a.a.